

iritzia

gaurko...

...elkarriketa



Elisenda Ibañez

• CIBA VISION ZERBITZUKO
OPTIKOA •

**«Lentilla berriek
begiari arnasa
hartzen uzten
diote»**

30 egunez kendu gabe
erabili daitezkeen lentillak
aurkeztu berri ditu Bilbon.
Jada merkatuan dira.

■ Zeintzuk dira lentilla berri hauek eskaintzen dituzten abantaila na- barienak?

Abantaila nagusia da be-
giari, behingoz, nahikoa ar-
nasa hartzen uzten diotela
lentilla hauek. Orain arte-
ko lentillak kasik partxe
modukoak ziren begiaren-
tzat. Orain arteko materia-
len eraginez, begiak ez zuen
behar bezainbeste oxigeno
jasotzen. Horregatik, ordu
batzuen ondoren lehengo-
ak kendu behar izaten zi-
ren. Eta abantaila guztiak
hortik dator.

■ Eta 30 egunetan, gau eta egun, kendu gabe erabili daitezke.

Bai, hala da. 1992an
proiektu honekin hasi gi-
nanean helburu hori jarri
genuen, eta horren arabera
egin genuen lana.

■ Zer dela-eta hasi zine- ten lentilla berriak sor- tu nahian ikertzen?

Lentillak erabiltzen dituen
jende askok arazoak izan
ditu behin eta berrero, batik
bat gauetan lentillak jarrita
lo hartzeagatik. Horren on-
dorioz, ikerketa asko egin
izan dira.

■ Errefusatze kasurik izan al da?

Oraingoz ez. Eta ez dut uste
gertatuko denik. Hiru urte-
an 2.000 pazientek baino
gehiagok frogatu dute, eta
ez da arazorik izan.

Iban Arregi
DONOSTIA

...esaera

«Goiz oilanda, berandu oilo»

...hizpideak

Gobernu akordioaren korapiloa

■ Gasteizko Gobernu-
aren sustengu parlamen-
tarioari buruzko akordio-
aren korapiloak askatze-
ke segitzen du. EAJ, EA
eta EH hilabete batzuk
horretan eman arren
akordioa oraindik ez da
iritsi. Negoziaketa hain-
beste luzatzeak urdurita-
suna eragin du negozia-
tzaileen artean. Hautes-
kundeak hilabete baten
buruan izango direla
kontuan hartuta, uler-
gaitzagoa egiten da atze-
rapen hori. Aipatutako
hiru alderdietako nego-
ziatzaileek nahikoa argi
ikusten dute akordioaren

beharra, eta indarkeriari
buruzko sarrerako testua
hitzartzen ere denbora
asko eman badute, baina
badirudi arazo hori gain-
ditu dutela. Ibarretzek,
berriz, akordioa bake
bidean pauso garrantzi-
tsutzat aurkeztu nahian,
gehiago biribiltzearen
aldekoa izan da. Impasse
honetan eta filtrazioak
ikusita, EHk prentsau-
rrekoa eskaini zuen atzo
balizko akordioa prozesu
orokorrean kokatzeko
asmoz, Euskal Herri oso-
arentzat konponbidea
ekarriko duen proze-
suan, alegia.

Ordezkatze kontratua

■ Uztailerako indarrean
egongo da ordezkatzeko
kontratua. Sindikatuek
eta enpresariak EAerako
hitzartutako kontratu
berriari esker, milaka
langilek erretiro aurrera-
tua hartzeko aukera
izango dute, eta haien or-
dez langile gazteek en-
presetan sartzekoa. Neu-
rri aitzindaria da. Gizarte
Segurantzak, eta finean
Espainiako Lan Ministe-
rioak, dirurik jarriko
duen ala ez argitu ez
duen arren, Eusko Jaur-
laritzak agindu du eskae-
ra guztiek izango dutela
laguntza.

...pertsonaiak



ADOLFO MARSILLACH • Ed-
ward Albeeren *¿Quién
teme a Virginia Wolf?*
antzezlanari buruz
idazle kataluniarrak
egindako bertsioa es-
treinatuko dute bihar
Iruñeko Gaiarre antzokian.



LAURENT JALABERT •
ONCE taldeko txirrin-
dulariak Romandiako
Itzulia irabazteko
aukera handiak ditu
atzoko etapa irabazi
ostean. Azken menda-
tean eraso bortitza jo zuen.



KEPA MINER • 92. artiku-
lua eskatu dute preso
honentzat, gaixotasun
larri eta sendaezina
duelako. Arnasa har-
tzeko gaitasuna %28-
ra murriztua du. Ezin
du esfortzurik egin eta oxigenoa
behar du egunean 12-15 orduz.

Benetako borondate eske

■ Frantziak Eurokarta-
ko 39 puntu sinatu
behar dituela eta, eus-
kaldunen kezka bera
dute Frantziako gainon-
tzeko hizkuntza gutxi-
tuen komunitateetako
ordezkariak. Euskara
bezala, katalana, alsa-
ziera, bretainiera eta
okzitaniera «deus ez iza-
tetik, lehen ezagupen
baterako bidean» direla
uste dute, nahiz eta
gaurko izenpetzeari balio
sinbolikoa baino ematen
ez dioten.

Akordioa G-8aren barruan

■ G-8ko herrialdeak
Kosovoko bake plan bate-
an adostu dira. Proposa-
mena Nazio Batuen Era-
kundeko Segurtasun
Kontseiluari emango dio-
te, organo horren onespe-
na jasotzeko.

G-8a osatzen duten
munduko zazpi estatu in-
dustrializatuenek eta
Errusiak egindako akor-
dioak berebiziko garrant-
zia du, irtenbide bat
eman bailiezaiok gataz-
kari. Hala ere, Jugosla-
viako Gobernuaren eran-
tzuna zein izango den ja-

kitea falta da oraindik.
Belgraden atxikimendua
lortzeko, Viktor Txerno-
mirdin Errusiako bitarte-
karia Jugoslaviako lehen-
dakari Slobodan Milose-
vicekin elkarriketatuko
da, Balkanak suntsitzen
ari den gerra geldiaraztea
erdiesteko esperantzaz.

Akordioak nazioarteko
tropak Kosovon NBeren
baimenarekin sartzeko
aurrekustuen du, eta NATOK
bertan esku hartzea exiji-
tu du. Milosevicek orain
arte gaitzetsi izan duen
aukera, hain zuzen ere.

...datua

813 zigor-espediente jarri zituen
abian iaz Administrazioak, lantegie-
tan arrisku neurketarik ez egiteaga-
tik.

...adierazpena

*«Pilotaren mundua politizatua
dago Euskal Autonomia
Erkidegoan»*

Julian Garcia Angulo

Espainiako Pilota Federazioko lehendakaria

... seiko urrea

XABIER GURRUTXAGA

Kontzertu ekonomikoa kili-kolo

tatu barrutiari ba-
karrik aitortzen
zaiola izaera oroko-
rreko sistema tribu-
tarioak definitzeko
eta arautzeko posi-
bilitatea eta, beraz,
Estatu izaera ez du-
ten beste botere politikoei ez
zaiela hori aitortzen. Balizko
erabaki horren arabera, Es-
painiako Estatuan izaera oro-
korreko sistema tributario bat
bakarra legoke eta ez hiru.

Hau da, gure sistema tributa-
rioak ez lirateke soberanoak
izanen ahalmen normatiboe-



tan. Hitz gutxitan
esanda, Autonomi
Estatutoak eta Kon-
tzertu Ekonomikoak
irudikatu izan duten
paktu politikoaren
haustura suposatu-
ko luke. Hori bai,
oraingoan ez espainiar kons-
tituzioaren izenean baizik eu-
ropar batasunarenean.

Asteartean esandakoaz
hausnarketa egin ondoren
badirudi euskal sistema fis-
kalak ez zuela pitzaturik ja-
sango Luxenburgoren. Izan ere,
alde guztiak entzun ondoren

Antonio Saggiok, auzitegiko
abokatu nagusiak, arrazoi
osoa zuen adierazi zuenean
«ez dut ulertzen zer epaitzen
ari garen hemen». Zertara ari
da jokatzeko gobernu zentrala
arau fiskalak errekurritzen
dituenean zuzenbide komuni-
tarioaren aurkako omen dire-
lako eta gero auzitegiaren au-
rrean sutsuki aldarrikatzen
duenean euskal sistema tri-
butarioa guztiz bateragarria
dela aipatu zuzenbide horre-
kin? Eta Euskal Herriko Auzi-
tegi Nagusiak zergatik hartu
zuen kontsulta aurrejudiziala
egiteko erabakia kontuan iza-
nik ez zitzaizela derrigorrezkoa
kontsulta hori? Ez ote dio gu-
re Auzitegi Nagusiak berari
beste batzuk bota dioten pelo-
ta berak ere Europako Justi-
zia Auzitegiari bota?